

Xojon carta-la San Pablo xi ma-ne jò xi kiskù-la xita naxandá-la Cristo xi títsajna Corinto

*Kó tsò Pablo nga síhixat'aà jñà xita naxandá-la
Cristo xi títsajna Corinto*

¹ 'An, Pablo, tìsikasén-nò xojon jè, nga k'oaá s'ín kjòmejèn-la Nainá nga 'an tsibíxáya-na Cristo Jesús. 'An, kò 'ndsè Timoteo títsanikasén-nòjen xojon jè. Títanìhixot'aà-nòjen jñò xi xita naxandá-la Nainá 'mì-nò xi títsajnaà ya naxandá Corinto, kò ngats'iì xita tsjeè-la Cristo xi títsajna kóhokji nangui Acaya.

² Nainá xi Na'èn-ná, kò jè Jesucristo xi otíxoma-ná kàtatsjá-nò kjondaà kò kjoa'nchán ya jjiin inima-nò.

Kó tsò Pablo nga tsjá-la kjondaà Nainá

³ Ndaà kàtayaxkón Nainá xi Na'èn-la ma Jesucristo xi otíxoma-ná. Jè Nainá xi Na'èn-ná ma, tse kjohimatakòn tjín-la it'aà tsaján. Kò jè, kjit'aà nachrjein síje takoán.

⁴ K'e nga mé kjo'in títsajnajñaá, jè Na'èn-ná síjetakòn-ná mé-ne jñá, k'oaá tìs'ín síjetakoán xinguiáá xi tikoá kjo'in títsajnajjiin koni s'ín kisíjetakòn-ná Nainá.

⁵ Koni tjín kjo'in xi tse níkjiaán xi kjoa ts'e Cristo, k'oaá tìs'ín tse kjojetakòn sakó-ná it'aà ts'e Cristo.

⁶ Ngajen, tsà kjo'in títsanìkjeiín-jen, kjondaà tsajòn-nò nga s'e-nò kjojetakòn, koá kitjokàjñò

kjo'in. Tsà Nainá síjetakòn-najen, jè-né nga tìkoa jñò s'e-nò kjojetakòn, koà kichìkjoà ko-nò kjo'in xi jin titsanìkjeín-jen.

⁷ Tjín kixí kjoà xi chiñà-lajen it'aà tsajòn. Tjìin-najen, koni s'ín tìhokot'aà-nò kjo'in xi titsanìkjeín-jen, k'oa tìs'ín okot'aà-nò kjojetakòn xi tjín-najen.

⁸ Jñò 'ndsè ko tichjaá, mejèn-najen nga kàtasjìin-nò kjo'in xi kis'e-najen ján nangui Asia. Tse jchán kjo'in kinìkjeín-jen. Jyeé mì tì kii kichìkjoako-nájen skanda mì tì kii bixón-najen tsà kitsajnakon isa-jen.

⁹ K'oaá s'ín komà-najen nga jyeé-la tjínè-la nga kiyá-jen. K'oaá s'ín komàt'in-jen mé-ne nga isa ndaà kjót'aà takòn-najen Nainá xi ma-la síkjaáya-la mik'en, nga mì tà yijo-najen kjót'aà takòn-jen.

¹⁰ Nga jyeé kjomeè k'en-jen, tanga Nainá tsasìko-najen nga kisìkatojìin-najen kjo'in ko tákó sìkatojìin-isa-najen kjo'in. Ko k'oaá s'ín kjit'aà takòn-jen nga jè sìkatojìin isa-najen nita mé kjoa-ne.

¹¹ Jñò, mochjeén-né nga sichját'aà-nájen nga kinókjoat'aà-là Nainá it'aà tsajen mé-ne nga isa kjìn koma-ne xita xi kichjat'aà-la Nainá, tìkoaá kjìn koma xita xi tsjá-la kjondaà Nainá koni s'ín machìkon-t'in-jen.

Mé-ne mìkì kii-ne Pablo ján Corinto

¹² Tjín jngoò kjoà nga ndaà nikìtsajna-jen yijo-najen. K'oaá s'ín beè-lajen takòn-jen nga it'aà ts'e Nainá nchrobá-ne nga tsjeè ko kixi tihonguíko-jen yijo-najen ì isò'nde, ko jè tjína ítjòn

it'aà tsajòn. Mìtsà kjoachjine-là xi taxkì xita nga kò'nè-jèn, kjondaà-là Nainá-né.

¹³ Mìtsà kj'ejí kjoa nga titsachjii-nòjen, ta jè-né nga kíxkejñò kò kjoas'en-jiin-nò koni tsò 'én xi tjit'aà xojon jè. K'oaá s'ín majngoò takoàn nga ngui ndaà kjiya-nò

¹⁴ koni s'ín jye kjòchiya chiba-nò nga tsja kàtama-nò it'aà tsajen kò nga tikoá tsjaá koma-najen it'aà tsajòn k'e nga kjoíí ìjngoò k'a Jesucristo xi otíxoma-ná.

¹⁵ 'An, jyeé ndaà tíjngoò takoàn it'aà ts'e kjoa koi, k'oaá ma-ne nga k'oas'ín kiskoòsòn-là nga jò k'a kjikon-nò mé-ne jñò, jò kjondaà sàkò-nò. [Tanga mì k'oaá s'ín tsitasòn.]

¹⁶ K'oaá s'ín kisìkítsjeèn, k'e nga kiaà nangui Macedonia nga ya jahato ítjòn-nò. Tjín-nè nga kjoahato ìjngoò k'a-nò k'e nga kjinchrobà-na mé-ne jñò koma sìchjít'aà-ná nga kjián nangui Judea.

¹⁷ K'e nga k'oas'ín kiskoòsòn-là, ¿a k'oaá s'ín kinìkítsjeèn nga 'an, tìsìskáko-nò? Majìn, nga mì k'oaá s'ín s'iaàn koni s'ín xi taxkì xita isò'nde. Mìtsà ítjòn xan-nò: “Koma-né”, kò tik'e-ne ìjngoò k'a xan-nò: “Mikì koma.”

¹⁸ Tíbeè Nainá; 'én kixjí xi kixan-nò, ngajen, mì k'oaá s'ín nokjoà-jèn nga bixón-jèn: “Jon, koma-né”, kò “Mikì koma.”

¹⁹ Timoteo, Silvano kò 'an, k'oaá s'ín nokjoàyajìin-nòjen it'aà ts'e 'én-là Jesucristo xi ki'ndí-là Nainá. Tsjìn-là 'én xi tsò jon kò majìn. Nainá jngoò k'a sítitasòn it'aà ts'e Cristo nga tsò: “Jon, koma-né.”

²⁰ Ngats'ì 'én xi chja Nainá koni s'ín tsjá tso'ba,

it'aà ts'e Cristo bitasòn yije-né. Nga jè Cristo xi tsò “koma-né”. Kò it'aà ts'e Cristo, jñá bixón-ná: “K'oas'ín kàtama”, mé-ne jeya kájna-ne Nainá.

²¹ Jè Nainá, xi síkixiyandaà-ná nga jè titsajna_{koá} Cristo [xi xó jaàjìn-ne Nainá], tikoáá jñá xó jaàjìn-ná Nainá.

²² Kò tije-ne Nainá xi tsibít'aà chiba-ná koni jngoò sello; kisikíjnajiìn inima-ná jè Inima Tsjeè-la xi tjoé ítjòn-ná nga kixi kjoa nga tikoá tjoé yije-ná kjondaà xi tjindaà-la nga tsjá-ná.

²³ Tíkotsejèn Nainá, jè tíbeè inima-na, mé-ne kj'eè kii fi-na Corinto koni s'ín tíjìn-na; koií kjoa-la, majìn-na nga 'on koma-la inima-nò nga 'én ts'en kichjàko-nò.

²⁴ Ngajen, majìn-nòjen nga ngajen, kjo'ño kotìxoma-nòjen it'aà ts'e 'én xi mokjeiìn-nò. Ta saá nìchját'aà-nòjen mé-ne nga s'e-nò kjotsja nga kixi titsajnaà koni s'ín mokjeiìn-nò.

2

¹ K'oáá ma-ne nga k'oas'ín kiskoòsòn-la nga mì tì kii kiìkon-nò. Majìn-na nga ba kìtsajnaà.

² Tanga tsà 'an, ba síkítsajna-nò, nga koma iskan, mì tì yá tjín-ne xi sìtsjako-na, nga jñò, jyeé ba titsajnaà.

³ Koií xá jye kiskii jngoò-nò xojon, mé-ne k'e nga kìchokon ìjngoò k'a-nò nga mì ba síkíjna-ná nga mochjeén-né nga jñò sìtsjako-ná. Nga k'oáá s'ín tíjngoò takoàn, 'an, matsja-na tikoá jñò, matsjaá-nò.

⁴ K'e nga k'oas'ín kiskii-nò, ndaà jchán kokájno-la inima-na, baá kis'e-na skanda ndáxkoaàn

tsibíxteèn. Tanga 'an mìtsà koi xá kiskii-nò nga kàtaba-nò. Jè-né nga jchaa nga 'ñó matsjake-nò.

Kó kitsò 'én xi kùichja Pablo it'aà ts'e xita xi tsohótsji jé

⁵ Jè xita xi tsohótsji jé, mìtsà ta 'an xi ba kisikíjna-na, mejèn tsà ba kisikítsajna ngats'ìi xita naxandá-la Cristo. Tà k'oaá xan-nò nga mì koto chiba-la koni s'ín tìxan-nò.

⁶ Nga kjìn ma-nò xi tsibìnè-là kjo'in jè xita jè; jyeé ndaà tjin, ta koma-ne.

⁷ I'ndeì, jè xi s'een nga sijchàat'aà-là jé-la; sijetakòn xita jè, mé-ne nga mì kjoba kiyájin-ne.

⁸ K'oaá ma-ne nga bitsi'bà-nò nga ndaà jchibàya-nò nga lingoò k'a tìtsjacha xita jè.

⁹ Tikoá koií xá kiskii-nò it'aà ts'e kjoa koi, mejèn-na skot'aà-nò, a kixii kjoa nga ma-nò nìkitasòn yije.

¹⁰ Jè xita xi jñò nìjchàat'aà-la jé-la, tikoá 'an sùjchàat'aà-la. Tsà mochjeén-né nga 'an sùjchàat'aà-la xita jè, 'an jyeé kisijchàat'aà-la xi kjondaà tsajòn kò tibeè Cristo.

¹¹ Mé-ne jè xita neii mìkii koma jè sùikijne-ná, nga jyeé ndaà 'yaá kjoamaña-la kós'ín síxá.

Kó komà-la Pablo nga mìkii kisatiikjoò Tito ján Troas

¹² K'e nga ijchoa ján naxandá Troas, nga kichjàya 'én ndaà-la Nainá xi kjoa ts'e Cristo, it'aà ts'e Na'èn-ná kitáx'a'nde-na nga kisixákoaa 'én ndaà-la Nainá.

¹³ Tanga mìkii ndaà kis'e-la inima-na nga mìkii kiskaàjñaà jè 'ndsé Tito. K'oaá komà-ne

kisikítsajna jñà xità xi ya i'nde-la, ikjoàn kiaà ján nangui Macedonia.

Mé kjoa-ne nga jè Pablo tsjá-la kjondaà Nainá

¹⁴ Ndaà chjí-la Nainá nga it'aà ts'e Cristo fikò-najen k'e nga okó-lajen jñà xità isò'nde nga jye kisikijne. It'aà tsajen k'oaá s'ín obísòn kjohítsjeèn-la Nainá xi kos'ín ngaya-la koni jngoò jta-la tsojmi xi 'ñó ndaà jne, mé-ne nga skoe-ne jñà xità nità ñánda-ne nga títsajna.

¹⁵ It'aà tsajen k'oaá s'ín ngaya-la koni ni'ndi-la chrjongó-la Nainá, k'e nga jè Cristo tsját'aà-la Nainá. K'oaá s'ín bijchókajijn-la jñà xità xi bitjokàjijn kjo'in kò xità xi chija.

¹⁶ It'aà ts'e jñà xità xi chija, [k'e nga beè-najen nga bènojmiya-jen 'én-la Nainá], k'oaá s'ín ch'o jne-la koni jngoò jta xi sík'en-ná. Tanga jñà xità xi bitjokàjijn kjo'in, k'oaá s'ín ndaà jne-la koni jngoò jta xi síkíjnakon-ná. It'aà ts'e xá koi, njngoò xità chíkjoa-la nga síkitasòn xi ta kjohítsjeèn ts'e.

¹⁷ Ngajen, mìkìl k'oas'ín 'nè-jen koni s'ín xità xi kj'eíí xi chjaya 'én-la Nainá nga ton síkijne. Ngajen, 'én kixíí nokjoà-jen. Nainá tíbeè-ne nga jè kisikasén-najen kò nga'ñó ts'e Cristo-né nga nokjoàya-jen, nga jè Cristo titsajnako-jen.

3

Xá-la Nainá xi kjoa xitse

¹ K'e nga k'oa'mì-nòjen kjoa koi, ¿a bits'ia ìjngoò k'a-jen nga ndaà nikítsajna-jen yijo-najen? Jñò, ¿a k'oaá s'ín nikítsjeèn nga mìkìl tíj'nde-na nga ma sìxá tsà tsjìn-na xojon xi jñò k'oi-ná, o xi kj'eíí xità tsjá-na koni s'ín síjé xità xi kj'eíí?

2 Majìn, jñò sobà-nò xi xojon-najen ma xi tíjìn ijìn inìma-najen. Ngats'ii xita beè-né koa bíxkejìn-né.

3 K'oaá s'ín ndaà 'ya-jen nga jñò-nò xi koni xojon-la Cristo xi it'aà tsajen kitjei. Jngoò xojon carta xi mìtsà tinta kitjei-ne; koó Inìma Tsjeè-la Nainá xi tíjnakon kitjei-ne; mìtsà ndajo kitjeit'aà; yaá kitjeit'aà yijo inìma-la xita.

4 Kjoa koi, k'oaá s'ín makixiya nga it'aà ts'e Cristo mokjeiìn-najen it'aà ts'e Nainá.

5 Xi ta nga'ño tsajen tsjìn-najen kjohítsjeèn mé xi s'en-jen. Tanga jè Nainá tsjá-najen kjohítsjeèn k'e nga mé xi 'nè-jen.

6 Jè Nainá tsjá-najen kjohítsjeèn nga chi'nda-la ma-jen mé-ne nga koma kinókjoaya-najen it'aà ts'e kjondaà xitse xi Nainá tsibíndaajìn-ko jña xita. Mìtsà kjoa ts'e kjotíxoma xi xojon tíjt'aà, ts'eé Inìma Tsjeè-la Nainá. Jè kjoa xi ts'e kjotíxoma sík'en-ná nga nguixkon Nainá, tanga jè Inìma Tsjeè-la Nainá síkíjnakon-ná.

7 Jè kjotíxoma xi kitjoé-la Moisés xi ndajo kitjeit'aà, kjoa biyaà j'iìko. Tanga k'e nga sa kitjoé ítjòn-la kjotíxoma jè, k'oaá s'ín ki'ya-la kjoa jeya-la Nainá. Jè Moisés, k'e nga j'iì-ne nga kii mijin-jno nindoò, jña xita Israel mìkii komà kiskoò'an Moisés nga 'ño ote ni'ín kji isén-la; tanga xi komà iskan, chaán kichijà xi ote kji isén-la. Tsà k'oaá s'ín kis'e-la kjoajeya, jè kjoa xi tjínè-la nga chija,

8 isa jeya tjín kjondaà xitse xi tsjá-ná Nainá k'e nga tsjá-ná Inìma Tsjeè-la.

9 Nga jeya j'iì jè kjotíxoma xi kjoa biyaà tsibíne-ná, isáá 'ño jeya kítasòn 'én xi nokjoàya-jen

nga xita kixi síkítsajna-ná Nainá.

¹⁰ Nas'ín 'ño kis'e-la kjoa jeya jè kjotíxoma xi jye tsato, tanga mikii mangásòn-ko jè kjoajeya xi tjín-la kjondaà xitse; isaá 'ño jeya tjína.

¹¹ Tsà jè kjoa xi tíchijangui kis'e-la kjoa jeya, isaá jeya tjín kjoa xitse xi mì tì kii chija-ne nita kjé-ne.

¹² Nga tjíngoò takòn-jen nga titsachiña-lajen kjoa koi, k'oaá ma-ne nga mikii masobà-najen nga nokjoá-jen.

¹³ Mìtsà k'oas'ín 'nè-jen koni kis'iin Moisés nga nikje tsibíjtsa isén-la, mé-ne nga jña xita Israel mikii komà kiskod'an-ne nga jye tíchijangui xi ote kji isén-la.

¹⁴ Tanga jña xita Israel kjotájaajìin kjohítsjeèn-la. Skanda nachrjein i'ndei, k'e nga bíxkejiin Xojon-la Nainá xi tjít'aà kjoa jchínga xi tsibíndaajìin-ko xita, tákó k'oaá s'ín ma-la koni tsà nikje xoba kijtsa kjohítsjeèn-la. Ta jngoó it'aà ts'e Cristo koma tjáxìn nikje jè.

¹⁵ Skanda nachrjein i'ndei, jña xita Israel, k'e nga bíxkejiin xojon xi kiskii Moisés, tákó k'oaá s'ín ma-la koni tsà nikje xoba tíjtsa'ma kjohítsjeèn-la.

¹⁶ Tanga k'e nga jngoò xita síkjahatjìya-la kjohítsjeèn-la nga fit'aà-la Na'èn-ná xi otíxoma-ná, tjáxìn-la nikje xoba xi tíjtsa'ma kjohítsjeèn-la.

¹⁷ Nga jè Na'èn-ná, jè sobà-né xi Inima Tsjeè-la Nainá. Ya ñánda tjína Inima-la Na'èn-ná, jña xita títsajnadejì-né kjoa ts'e kjotíxoma.

¹⁸ Ngats'iaá jña mì tì nikje xoba tíjtsa'ma-ne kjohítsjeèn-ná. It'aà tsaján k'oaá s'ín ngaya-la koni jngoò chítsín xi ma chitsejèn-yá xi okó kjoa jeya-la Na'èn-ná. Kjit'aà nachrjein isa jeya tíhotsejèn koni

kji Na'èn-ná nga jè Inima Tsjeè-la tísíkatjìya-ná.

4

Kó s'ín síhiseèn-ná jè 'én ndaà-la Nainá xi kjoa ts'e Cristo

¹ Koií kjoa-la ngajen, mìkìl mahindaà inima-najen nga jè Na'èn-ná kjòhimakeè-najen nga xá ts'e kisingatsja-najen.

² Jyeé kichjaàxìn-jen jñà kjoa ch'o xi tjí'ma, xi sísobà-najen; mìkìl chonachan-jen, nì mìkìl nìkajatjìya-lajen 'én-la Nainá. Nguì 'én kixi bènojímí-jen, mejèn-najen nga nguixkon Nainá ngats'ìl xìtá kàteèxkon kjòhítsjeèn-najen kós'ín 'nè-jen.

³ Jè 'én ndaà-la Nainá xi kjoa ts'e Cristo xi nokjoàya-jen, jñà xìtá xi yá tíchijajìl kjoa ts'e jé-la, ta jñà-né xi tíjtsa'ma kjòhítsjeèn-la nga mìkìl fìya-la.

⁴ Jè xìtá neíj xi tíhotíxoma-la isò'nde nachrjein j'nde, xi kòs'ín tíjna koni tsà nainá, jé bíchjoà xkon jñà xìtá xi mìkìl mokjeíin-la it'aà ts'e Cristo; nga jè bíjñò kjòhítsjeèn-la, mé-ne nga mìkìl skoe-ne kjoahiseèn-la 'én ndaà-la Nainá xi kjoa ts'e Cristo xi 'ñó jeya tíjna, nga jè Cristo xi okó kó kji xi nguì jè sobà Nainá.

⁵ Ngajen, mìtsà tà it'aà tsajen nokjoà-jen k'e nga bènojímíya-jen 'én-la Nainá; it'aà ts'eé Jesu-cristo nokjoà-jen nga jè xi otíxoma-ná. Ngajen, tà chì'ndaá ma-jen nga ngajen nìxá-nòjen, koií-né nga matsjacha-jen Jesús.

⁶ Nainá, jè xi kitsò nga jè ni'ín kàtasíhiseèn j'nde ñánda jñò choòn, tíjè-né xi kisihiseèn jìjìl inima-najen, mé-ne jñà xìtá xi kj'eíj kòhiseèn-la

nga skoexkon kjoa jeya-la Nainá koni s'ín 'ya-la ts'e Cristo.

Mé-ne tǐngòò-ne takoán nas'ín kjo'in títsaníkjaán

⁷ Kǐndaà jè xi 'ńó tse chǐ-là, yaá tǐjìn yijo-najen. Tanga yijo-najen k'oaá s'ín ngaya-la koni tǐjǐ nǐ'nde. Jè Nainá k'oaá s'ín kis'iìn mé-ne nga 'ya-la nga jè nga'ńó xi 'ńó ndaà tísíxájiìn yijo-najen, it'aà ts'e Nainá nchrobá-ne; mìtsà it'aà tsajen nchrobá-ne.

⁸ 'Nó kǐn ma-ne kjoa xi tǐjín-najen, tanga maá kǐtjokàjiìn-jen. Tǐjín kjoa xi makájno-najen, tanga mìkì mahindaà-jen.

⁹ Fǐtǐngui kondraá-najen xǐta, tanga Nainá mìkì tsjeiìn takòn-najen; jǐnà xǐta beètòòn-najen, tanga mìkì chíkjoa-la nga síkjesòn-najen.

¹⁰ Nǐta ñanda-ne nga onguí-jen, kǐt'aà nàchrjein mejèn-la sǐk'en-najen xǐta koni s'ín komàt'in Jesús; tanga jè Nainá, jè xi mejèn-la nga it'aà tsajen kàta'ya-la nga jè Jesús xi tísíkǐjnakon-najen.

¹¹ Ngajen xi títsajnakon-jen, kǐt'aà nàchrjein tǐjnat'aà chrañà-najen kjoabiyaà xi jè ngatǐ-là Jesús, mé-ne jè yijo-najen xi ma biyaà jcha-la kjoabinachon ts'e Jesús.

¹² Ngajen, kjo'iín títsaníkjeiín-jen skanda mejèn-la xǐta sǐk'en-najen, tanga jǐnò kjoabinachon tísakó-nò.

¹³ K'oaá s'ín tǐchǐ Xojon-la Nainá nga tsò: “Mokjeiín-na k'oaá ma-ne nga kichjà.” Ngajen, k'oaá tǐs'ín tǐjín inǐma-najen it'aà ts'e 'én xi mokjeiín-najen, k'oaá ma-ne nga nokjoá-jen.

¹⁴ Jè Nainá xi kisíkjaáya-la Nǎ'èn-ná Jesús it'aà ts'e kjoabiyaà, 'ya-nájen nga tǐkooá kǐjchò

nachrjein nga s̄iikjaáya-najen koni s'ín jaáya-la Jesús. Ikjoàn ngats'iaá kj̄iko-ná ya nguixkōn Nainá.

¹⁵ Ngats'iì kjoa koi, kj̄ondaà tsajòn-nò, mé-ne isa kj̄in kōma-ne x̄ita xi tjoé-la kj̄ondaà-la Nainá, nga t̄ikoā isa jeya k̄jna Nainá nga kj̄in ma x̄ita xi tsjá-la kj̄ondaà.

¹⁶ K'oaá ma-ne mìkì mahindaà inima-najen; kixiì kjoa yijo-najen tífehengui-né; tanga Nainá, nachrjein nchijòn tísix̄itseyā inima-najen.

¹⁷ Jè kjo'in xi n̄ikjeiín-jen i isò'nde, tà chibaá t̄jín. Tà jngoò t̄jò oto. Tanga yaá sakó-najen kj̄ondaà xi isa jeya t̄jín xi mìkì fehet'aà n̄ita kjé-ne.

¹⁸ Nga mìtsà j̄nà ch̄itsejèn-lajen kjoa xi t̄jín isò'nde xi tsejèn, j̄nà ch̄itsejèn-lajen xi mìkì tsejèn xi ts'e Nainá. Kjoa xi tíma i isò'nde, kjoehet'aà-né, tanga j̄nà kjoa xi mìkì tsejèn, mìkì kjoehet'aà n̄ita kjé-ne.

5

Ni'ya xi t̄jindaà-la Nainá ján ngajmì

¹ Yijo-ná k'oaá s'ín गया-la koni ni'ya xi t̄jín i it'aà nangui xi chiba nachrjein ma-la nga bixòña. Tsà k̄ixoña ni'ya jè, Nainá t̄jindaà jngoò-la ni'ya ján ngajmì, xi t̄jna n̄ita kjé-ne, nga mìtsà tsja x̄ita kisindaà-ne.

² K'oaá ma-ne nga imaá fahatse-la inima-ná i isò'nde nga jè xi mejèn-ná nga n̄iton k̄itsajnyāā ni'ya-ná ján ngajmì.

³ Nas'ín s̄jna yijo-ná xi tsjach'á i'nde, Nainá tsjá l̄jngoò-ná xi yijo x̄itse. Jè inima-ná mìtsà ch̄ija, yijo x̄itseé kōma.

⁴ K'e nga tákó t̄jnakon yijo-ná koni jngoò ni'ya xi ma bixòña, imaá fahatse-ná, maba-ná, mìkì tsò

takoán nga ñikíjna ni'ya-ná. Majìn-ná nga tjáxìn-ná ni'ya jè, jè xi mejèn-ná nga kàtaxitseyá yijo-ná mé-ne nga yijo-ná xi ma biyaà jngoò k'aá jchija nga jè kjoabinachon sükijne-la.

⁵ Jè Nainá xi xó k'oas'ín tsibíndaà-ná kò kitsjaà-ná Inima Tsjeè-la mé-ne tjíkixi-ne kjoa nga iskan tsjá yije-ná koni s'ín kitsjaà tso'ba.

⁶ Kjit'aá nachrjein k'oas'ín tjingoò takoán it'aà ts'e Nainá kò k'oaá s'ín tjìjn-ná, k'e nga tákó tjínakon yijo-ná i it'aà nangui koni jngoò ni'ya ñánda titsajnaá, kjìjn titsajna-lá ni'ya-la Na'èn-ná ján ngajmì.

⁷ K'oaá s'ín titsanìjchá yijo-ná koni s'ín mokjeiín-ná it'aà ts'e Nainá, mì k'oaá s'ín mochjeén nga kos'ín sijchá yijo-ná koni s'ín beè xkoaán.

⁸ Tjingoò takoán it'aà ts'e Nainá, isaá-la ndaà tjín tsà sükijnaá yijo-ná, mé-ne nga ján kitsajnakoáá Na'èn-ná ngajmì.

⁹ Koií kjoa-la nga ndaà sikitasoán koni s'ín sasén-la Na'èn-ná, a i titsajnaá it'aà nangui a xi ján titsajnaá ján ngajmì.

¹⁰ Mochjeén-né nga ngats'iaá kijchoaá nguixkon ñánda tíhotíxoma Cristo nga k'oi-lá kindá nga jngoò jngoáá; tjoé-ná chjí-ná mé kjoa xi ki'né nga titsajnaá isò'nde, a ndaà ki'né, o xi ch'o ki'né.

'Én xi tsjá kjoa'nchán it'aà ts'e Nainá

¹¹ Nga yaxkón-jen Nainá koni s'ín ok'in-la, k'oaá ma-ne bènojímí-lajen xita xi kj'eí, mé-ne kòkjeiín-la it'aà ts'e Cristo. Nga nguixkon Nainá ndaà beèxkon-najen nga ndaà 'nè-jen, 'an k'oaá tis'ín mejèn-na nga tikoá jñò jyeé ndaà yaxkon-nájen.

12 Mitsà 'mì-nòjen nga t̄ijin ndaà n̄ikítsajna-nájen yijo-najen t̄anga jè xi mejèn-najen nga tsja k̄atama-nò it'aà tsajen, mé-ne koma kinókjoa-là j̄ñà x̄ita xi t̄ijñà ndaà síkítsajna-ne yijo-là koni s'ín tsejèn-là, t̄anga jè in̄ima-là mikìi ndaà síkinda.

13 Tsà ská-najen, koi-né nga Nainá n̄ixá-lajen, tsà ndaà t̄jín kjoh̄ítsjeèn-najen, kjondaà tsajòn-nò nga j̄ñò n̄ixá-nòjen.

14 Jè kjoat̄jòcha-là Cristo jè kitsobà'ñó-najen nga ma fikò-najen koni s'ín mejèn-là, k'oaá t̄jín kjoh̄ítsjeèn xi kjòchiya-najen nga jngoò x̄ita k'en ngajo-là ngats'ìi x̄ita xi t̄jín isò'nde, k'oaá komà-ne nga ngats'ìi x̄ita k'en.

15 Jè Cristo k'en ngajo-là ngats'ìi x̄ita xi t̄jín isò'nde, mé-ne j̄ñà x̄ita xi t̄ítsajnakon mì t̄i k'oaá s'ín s̄ijchá-ne yijo-là koni s'ín mejèn-là yijo-là. K'oaá s'ín s̄ijchá yijo-là koni s'ín mejèn-là Cristo nga jè k'en ngajo-là koa jaáya-là it'aà ts'e kjoabiyaá.

16 I'ndeì mì t̄i k̄i k'oa's'ín n̄ikítsjeèn-najen it'aà ts'e x̄ita xi k̄jeí kós'ín tsejèn, kó kjoàn, koni s'ín s'ín j̄ñà x̄ita isò'nde. K'e nga sa ítjòn k'oaá s'ín kin̄ikítsjeèn-jen, jè Cristo, tsà taxk̄i x̄ita isò'nde-nè. T̄anga i'ndeì mì t̄i k'oaá s'ín n̄ikítsjeèn-najen.

17 Jngoò x̄ita, k'e nga Cristo t̄jínako, x̄ita x̄itse-né it'aà ts'e Nainá. Jè kjoa jchínga jyeé tsato, jyeé kjòxitseya yije.

18 Ngats'ìi kjoa koi it'aà ts'e Nainá nchrobá-ne, nga it'aà ts'e Cristo kichibàndaà-ná ko Nainá. Ko jè Nainá kitsjaà-najen xá nga koma kénójm̄i-jen kós'ín kjoóndaà-ne x̄ita ko Nainá.

19 It'aà ts'e Cristo kisìxá Nainá nga kisikjoóndaà-ne x̄ita isò'nde. Mì t̄i k̄i kindá

kis'iin-ne jé-la jñà xita. Kò kitsjaà-najen xá nga bènojmi-jen kós'in ma nga chibàndaà-ná kò Nainá.

²⁰ K'oaá ma-ne ngajen síkasén-najen Cristo nga nokjoà ngajo-lajen. K'oaá ngaya-la koni tsà jè Nainá tíbitsi'ba-nò. It'aà ts'e Cristo bìtsi'bà-nòjen: jchibàndaàkò-nò Nainá.

²¹ Cristo, mìtsà jé tsohótsji; tanga xi kjondaà tsaján, Nainá, jé tsohónè yije-la ngats'iì jé xi tjín isò'nde, mé-ne it'aà ts'e Cristo, xita kixi komaá nga jè Nainá sìkixiya-ná.

6

¹ Ngajen, xi Nainá nìxát'aà-lajen, bítsi'ba-nòjen, kjondaà xi tsjá-nò Nainá, ndaà tikjeén.

² Nga jè Nainá, k'oaá tsò:

Ki'nchrè-lè k'e nga ndaà chiba-la kjòchjeén-lè
kjondaà-na,

tsohósikoó-lè, jè nàchrjein k'e nga tíchiñá-la nga
kitjoiin kjo'in.

I'ndeì, jñò, ndaà tiná'yaà. Jyeé ijchò nàchrjein ts'e
kjondaà-la Nainá nga kitjokàjñòò kjo'in.

³ Nímé kjoa xi ch'o 'nè-jen xi síkits'ón-jìin-la xita
xi kje'íí, mé-ne jè xá-la Nainá xi jin titsa'nè-jen mì
yá xi ch'o kichjajno-la.

⁴ Nita mé kjoa xi 'nè-jen, ndaá onguíko-jen
yijo-najen mé-ne jñà xita skoe-ne nga chi'nda-la
Nainá 'mì-najen, nga 'ñó tjín-najen kjoatsetakòn,
'ñó ndaà chíkjoakò-najen kjoa ts'e kjo'in, kò
tíchijat'aà-najen mé tsojmì xi kochjeén-najen,
koa chjá tíma-najen kjoa xi tíhotojiin-jen,

⁵ nga tísat'é-najen, nga ndayá tínìkjas'en-najen,
nga ngajen binchaàtsji-lajen kjoasì naxandá, nga

'ñó nìxá-jen, kò mìkìì tsafé-jen, skanda bìtsajna kjinchrá-nájen.

⁶ Tanga nguì tsjeé tìtsanìjchá-jen yijo-najen; ndaá machiya-najen nìtá mé kjoa-ne; tjín-najen kjoatsetakòn kò kjondaà ìt'aà ts'e xìtá; kò jè Inìma Tsjeè-la Nainá tísíxájìn inìma-najen; kò nguì kòó inìma-najen nga tjín-najen kjoatjòcha.

⁷ Bènojímí-jen 'én xi kixì tjín. Tjín-najen nga'ñó-la Nainá. Jñà kjoa kixì xi 'nè-jen, k'oaá ngaya-la koni jñà kìcha xi kò ngaskón kò kixì mocheén.

⁸ Tjín xìtá xi beèxkón-najen, tìkoa tjín xi mìkìì beèxkón-najen. Sakoáá ndaá chjà ìt'aà tsajen, sakoáá majìn. Tjín i'nga xi xìtá ndiso tsò-najen tanga ngajen 'én kixìí nokjoá-jen.

⁹ Tjín i'nga xi k'oas'ín síko-najen koni tsà mìkìì beèxkon-najen, tanga tjín xi beèxkon-najen. K'oaá s'ín beèhikon-najen koni tsà jyeé k'en-jen, tanga tìtsajnakon-nájen. Tsjá-najen kjo'in jñà xìtá tanga mìkìì biyaà-jen.

¹⁰ K'oaá s'ín ko'an-najen koni tsà ba tjín-najen, tanga ngajen tsja tjín-najen. Tsò-najen nga xìtá ìma-né, tanga ìt'aà tsajen, kjìn jchán xìtá tìsakó-la kjondaà ts'e inìma-la. Nímé xi tjín-najen, tanga nguixkon Nainá, tjín yijeé-najen nìtá mé-ne.

¹¹ Jñò 'ndseé xi Corinto tsajòn, jyeé kinokjoà kixì-nòjen; nguì kòó inìma-najen matsjacha-nòjen.

¹² Ngajen, mìtsà bìxkon-nòjen kó tsò kjohítsjeèn-la inìma-najen, jñò-nó xi bìxkoòn kó tsò kjohítsjeèn-la inìma-nò.

¹³ K'oaá s'ín chjà-nò koni tsà ìxti-na xan-nò, jñò, k'oaá tìs'ín t'een koni s'ín 'nè-jen, nga kò inìma-nò

tìtsjacha-nájen.

Tìnchat'aàxìn-là kjoa ts'e jé

¹⁴ Jñò, xi mokjeiín-nò ìt'aà ts'e Cristo, kì jñà xìt̃a xi mìkìì mokjeiín-là òngàsòn-kò kjohítsjeèn-nò. ¿A komaá kòngàsòn-kò jngòò xìt̃a xi t̃jín-là òkixì kò jngòò xi tsjìn-là òkixì-là Nainá? ¿A komaá ya kìtsajnajñaá ñánda jñò choòn nga t̃jín kjoa iseèn?

¹⁵ ¿A komaá ndaà kjìkò xíkjín, jè Cristo kò xìt̃a neíí? Tìkooá mìkìì koma ndaà kjìkò xíkjín jngòò xìt̃a xi mokjeiín-là ìt'aà ts'e Cristo kò jngòò xi mìkìì mokjeiín-là.

¹⁶ Mìkìì koma ya sijnyaya ni'ya ìngò-là Nainá jñà xkòsòn xi nainá tsò-là xìt̃a. Nga jñá-ná xi 'mì-ná ni'ya ìngò-là Nainá xi t̃jínakon. Koni s'ín kitsò Nainá ìt'aà ts'e xìt̃a xi mokjeiín-là, tsò-né:

'An, yaá kótijnakoaa naxandá-na, tìkooá yaá kojmejiìn-là.

'An-ná xi Nainá k̃itso-na koa jñà koma xìt̃a naxandá-na.

¹⁷ Nainá k'ooá kitsò nga kììchjajiìn-là xìt̃a naxandá-là:

Tìtjokàjiìn-là jñà xìt̃a xi mìkìì mokjeiín-là ìt'aà ts'an,

koa tìnchat'aàxìn-là.

Nìmé kjoa chingàjñòò xi t̃jé t̃jín nga nguixkoaàn, mé-ne nga 'an koma skoétjò-nò.

¹⁸ 'An-ná xi skoétjò-nò koni jngòò Nà'èn, jñò koma ndí ìxti x'in-na kò ndí ìxti íchjín-na, k'ooá tsò Nà'èn-ná xi ta jè tajngòò xi 'ñó tse nga'ñó t̃jín-là.

7

¹ Jñò ndí 'ndsè xi matsjake-nò, k'oaá tjin kjondaà xi tsjá-ná Nainá koni s'ín kitsjaà tso'ba. K'oaá ma-ne kınchat'aàxìn-là ngats'ii kjoa xi tje tjin xi síkits'ón yijo-ná ko inima-ná, mé-ne tsjeè kitsajnaá nga nguixkon Nainá. Ndaà jchaxkoán Nainá mé-ne nga kjit'aà nachrjein isa tsjeè sijchá yijo-ná.

Mé-ne tsja ma-la Pablo kjoa xi s'ín xita Corinto

² Chjoétjò-nájen nga ko inima-nò. Ngajen, niyá xita xi ch'o niko-jen; ni saá yá xita níki'on-jen, ni saá jngoò xita chonachan-lajen.

³ K'e nga k'oas'ín tixan-nò, mìtsà mé kjoa xi ch'o tjin tihonè-nò; jyeé k'oa kixan-nò nga sa ítjòn, kjit'aá nachrjein nga matsjacha-nòjen, nas'ín kiyá ko tsà titsajnakoaán, koó inima-najen nga matsjacha-nòjen.

⁴ Ngui 'én kixí xi tichjàko-nò; 'ñó matsja-la inima-na it'aà tsajòn. 'Ñó tjin-na kjojetakòn ko taxki tsjaá ma-la inima-na, nas'ín tse kjo'in tjin-najen.

⁵ K'e nga j'ii-jen i nangui Macedonia, nimé xi komà kinikjáya-jen. 'Ñó kinikájno-jen; xki xi ján kis'e-najen kjoasii, koa ya ijii inima-najen 'ñó kisinchaàxkón.

⁶ Tanga Nainá síjehikon-né xita xi indaà tjin ikon; kisjehikòn-najen k'e nga j'ii Tito.

⁷ Mìtsà tà koi kjoa-la nga j'ii Tito, jè-né nga jè, tikoáá tsja tjin-la xi it'aà tsajòn. Tsibénajmí-najen nga jñò, 'ñó mejèn-nò nga jchaxkon-nájen. K'oaá ti kitsò-najen nga ba titsajnaà koa makájno-nò it'aà ts'an. K'e nga ki'nchrè 'én koi, 'an, isaá ndaà kjòtsja-na.

8 Jñò, nas'ín tà kjoaba tsohotsji-nò k'e nga kisikasén ítjòn-nò xojon, i'ndeì, mì tì kii tìsikájno-na. Nga sà ítjòn kiskájnoa nga kisikasén jngòò-nò xojon, koií kjoa-la nga kisibaá chiba nàchrjein-nò.

9 Tanga i'ndeì, matsja-la inìma-na, mìtsà koi nga kjoaba kis'e-nò kjoa ts'e xojon, koi-né nga it'aà ts'e Nainá kinikájno jé-nò nga mì tì jé chinchààtsji-nò. Jñò, k'oaá s'ín kjòba-nò koni s'ín mejèn-la Nainá. K'oaá ma-ne nga nìmé kjoa ch'o kisakò-nò it'aà tsajen.

10 Jè kjoaba xi s'e-ná koni s'ín mejèn-la Nainá, jè síxájiin inìma-ná nga nìkájnoaá jé-ná nga mì tì jé binchaàtsji-ná mé-ne nga koma kítjokàjñáá kjo'in; kò mìtsà mé xi iskan síkájnoaá. Tanga jè kjoaba xi tsjá-ná isò'nde nga mìkii mokjeiín-ná it'aà ts'e Nainá, jé síxájiin inìma-ná nga kjoa biyaà fiko-ná.

11 Tanga tikítsjeèn ngats'ii kjondaà xi ki'nè ta koi kjoa-la nga kjoaba kisakò-nò it'aà ts'e Nainá. I'ndeì tìtsajnaandaà-nò nga s'een kjoa xi tjínè-nò nga síkitasòn; k'oaá s'ín tìtsahokoò yijo-nò nga nìmé jé tjín-nò; majticha-nò kjoa ts'e jé; i'ndeì tsakjoòn-chaà Nainá; mejèn-nò nga jchaxkon-ná; makájnoó-nò it'aà ts'an; k'oaá komà-ne nga kits'ii-là kjo'in jè xità xi tsohótsji jé. Ngats'ii kjoa koi koni s'ín ki'nè, k'oaá s'ín 'ya-la nga mìtsà ngats'ioò tjín-nò jé.

12 'An, koni s'ín kiskii-nò xojon carta xi kisikasén-nò, mìtsà jè tìsikítsjeèn it'aà ts'e xità xi tsohótsji jé; nì mìtsà it'aà ts'e xità xi kitsì'on kisikasén-nò xojon. Jè-né nga tijñò ki'ya-nò nga nguixkon Nainá nga kixii kjoa nga tjòcha 'ya-nájen.

13 Maje takòn-nájen ngats'ìi kjoa xi ki'nè.

Mitsà ta koií kjoa-là nga maje takòn-jen it'aà ts'e kjoa koi; isa 'ñó matsja-najen nga ki'ya-jen Tito nga 'ñó tsja tjín-là, koií kjoa-là nga ngats'ioò kinìtsjakoo.

14 'An, jyeé kos'ín ndaà kisikítsajna-nò nga nguixkon Tito koni kixan-là. Jñò, nímé kjoa tjín xi ch'o kinìkíjna-ná. Koni s'ín nga ngats'ìi 'én xi ki'mì-nòjen, ngui 'én kixi-né, k'oaá tis'ín kixi itjo koni tsò 'én xi kixan-là Tito nga ndaà kisikítsajna-nò.

15 Tito, isaá 'ñó ndaà matsjakeè-nò k'e nga bítsjeèn-là nga ngats'ioò ndaà kinìkitasòn-là ko ndaà kichjoétjò k'e nga ijchòkon-nò, koa 'ñó ndaà kiyaxkón.

16 I'ndeji, it'aà tsajòn ma'ñót'aà takoàn nita mé kjoa-ne, k'oaá ma-ne nga matsja-là inima-na.

8

Mé kjoa-ne nga ton maxkó-ne

1 Ndí 'ndsè ko tichjaá, mejèn-na nga kàtasijìn-nò kjondaà-là Nainá xi okó jjiìn naxandá-là Cristo xi títsajna ya nangui Macedonia.

2 Nas'ín 'ñó tse kjo'in nchihotojiìn tikoá tí'ya-là nga 'ñó matsja-là. Nas'ín 'ñó xita ima, jñà tsojmì xi tsjá kjotjò-là Nainá, koó inima-là tsjá koni tsà 'ñó xita nchiná.

3 'An, tíbe-ná nga koó kjotsja-là tsjá ton xi kjotjò ts'e Nainá koni kji bijchó nga'ñó-là, saà k'oaá skanda tsjásòn-né koni kji bijchó nga'ñó-là.

4 Jñà x̄it̄a koi, 'ñó tsibítsi'ba-najen nga mejèn-la nga t̄ikoa s̄iikasén-la ton k̄jot̄jò jñà x̄it̄a naxandá-la Cristo jè ì'nde ñánda kochjeén-la.

5 Jñà x̄it̄a koi, isaá tsato kitsjaà koni s'ín titsachiñá-lajen. Ítjòn nangui kisikítsajna-la Nainá in̄ima-la, ikjoàn, k'oaá ti s'ín kis'iin it'aà tsajen koni s'ín mejèn-la Nainá.

6 K'oaá ma-ne bítsi'ba-lajen Tito koni s'ín tsibíts'iāko xá xi kitjoé-la k'e nga sa ítjòn, k'oaá t̄is'ín k̄atasíkjehet'aà-ne nga k̄atixkó ton k̄jot̄jò xi jñò 'bioò.

7 Tanga jñò, 'ñó ndaà 'nè-nò ngats'iì kjoa xi 'nè nga ndaà mokjeiín-nò, nga ndaà nokjoà, nga ndaà t̄jín-nò kjoa chjine, nga titsajnandaà nga mejèn-nò s̄ichjât'aà n̄it̄a mé kjoa-ne, nga t̄jín-nò kjoat̄jòcha nga it'aà tsajen komà-nò. Koni s'ín 'nè yije kjoa koi, k'oaá t̄is'ín t̄ikatonè-là jè k̄jot̄jò xi 'bioò.

8 Mìtsà k'oaas'ín tixan-nò koni tsà jngoò k̄jot̄ixoma t̄itsja-nò. Jè xi mejèn-na nga skoeè a nguì kixií kjoa nga t̄jín-nò kjoat̄jòcha koni s'ín t̄jín-la x̄it̄a xi k̄j'eíi nga titsajnandaà nga tsjá k̄jot̄jò-la.

9 Jñò, jyeé 'yaà k̄jondaà-la Jesucristo xi ot̄ixoma-ná. X̄it̄a im̄aá kis'iin yijo-la xi k̄jondaà tsajòn, nas'ín ts'e yije-né ngats'iì tsojmì xi t̄jín, mé-ne jñò tjoé-nò kjoa nchiná xi t̄jín-la.

10 Tsjaà jngoò-nò k̄johítsjeèn it'aà ts'e kjoa jè. Kochjeén-nò nga ndaà s̄ikitasòn koni s'ín tsibìts'iāko jè nó xi tsato nga kits'ioò ton xi k̄jot̄jò ts'e Nainá. K'oaas'ín ki'nè nga k̄jotsja-nò kits'ioò.

11 I'ndeij, tákó k'oaá s'ín t'een koni s'ín tsibìts'iāko. K'oaá s'ín t̄ikjehet'aà koni s'ín k̄jòmejèn-nò nga sa ítjòn. K'oaá k̄ji tjioò koni

kji bijchó nga'ñó-nò.

¹² K'e nga jngoò xita xi tijnandaà nga ko inima-la mejèn-la tsjá, k'oaá kji kàtatsjá koni kji ma xi s'in, mìtsà tsato tijnjé-la. Nainá mìtsà tsato síjé koni kji ma xi 'nè.

¹³ Mìtsà koi kjoa-la nga kjo'in s'e-nò nga sìchját'aà-lá xita xi kj'eí, jè-né nga ngàsòn ngáya s'e-ná mé xi mochjeén-ná.

¹⁴ I'ndeí, jña xita koi, tsjin-la mé xi mochjeén-la, tanga jñò, tjin-nò. K'e nga kj'eí nachrjein, jña xita koi, s'ée-la mé xi mochjeén-la, ko jña kosiko-nò k'e nga jñò tsjin-nò. K'oaá s'in ngàsòn ngáya s'e-ná mé xi kochjeén-ná.

¹⁵ K'oaá s'in tíchja Xojon-la Nainá nga tsò: “Jè xi kjìn tsibíxkó, nímé tsiningui-la, koa jè xi chiba tsibíxkó, nímé kisichjaàt'aà-la.”

Kós'in komà nga kinikasén Tito ján Corinto

¹⁶ Ndaà chjí-la Nainá nga k'oas'in tsibíjìn inima-la jè Tito nga tikoá kisikájno it'aà tsajòn koni s'in 'an kisikájnoa.

¹⁷ Kixí kjoa jè Tito kòkjeín-la koni s'in tsi-bit'in-la; tikoá jè, 'ñó mejèn-la nga kiikon-nò; ikoón xi kitsò nga kjikon-nò.

¹⁸ Jè Tito tífiko jngoò 'ndseé xi ndaà síkíjna ngats'ì xita naxandá-la Cristo xi tjin nita ñanda-ne; nga jè 'ndseé ndaà chjaya 'én ndaà-la Nainá xi kjoa ts'e Cristo.

¹⁹ Mìtsà tà koi kjoa koi, tikoá jña naxandá-la Cristo jaàjìn jè 'ndseé nga koahitako-najen nga onguíko-jen ton kjotjò-la Nainá xi ngajen titsabíxkó-jen mé-ne jè Na'èn-ná jeya kíjna, tikoá

skoe jñà xità nga koó inima-najen síchját'aà-lajen xità.

²⁰ K'oaá ma-ne nga mì yá xità kichjajno-najen kós'ín kochjeén ton xi tse tímaxkó.

²¹ K'oaá s'ín bìnè-lajen yijo-najen kjoa xi ndaà tjín nga nguixkon Nainá ko tikoá nguixkon xità.

²² Tito, tikoáá báhjtako ìngoò 'ndsè xi xkì xi ján ki'ya-jen nga 'ñó bìnè-la yijo-la nga kjìn xá ma-la. Tjín kixì-né ì'ndeì, ìsaá ndaà bìnè-la yijo-la nga síchját'aà-nò nga ìsa ndaà beè takòn-nò.

²³ Jè Tito, amigo ts'an-ná nga 'aán síxáko-na xi kjondaà tsajòn. Jñà xità 'ndseé xi i'nga, jñà naxandá-la Cristo xi tjín nangui Macedonia jñà kisikasén; nga it'aà ts'e xità 'ndseé koi, jè Cristo jeya bìjna.

²⁴ Takó-la xità koi kjoatjòcha xi tjín-nò, takó-la kjondaà xi tjín-nò koni s'ín jye okixan-la jñà xità 'ndseé koi, mé-ne nga skoe-ne jñà naxandá-la Cristo xi i'nga nga kixì kjoa.

9

Mochjeén-né nga síchját'aà-lá xità-la Cristo xi kj'eíí

¹ Jè kjoa ts'e nga'ñó xi maxkót'aà-la jñà xità tsjeè-la Nainá xi kochjeén-la jè nga'ñó, mì tì kii mochjeén-ne nga 'an skiì-ìsa-nò.

² Be-ná nga titsajnandaà nga mejèn-nò sikitasòn. K'oaá xan-la jñà xità xi nangui Macedonia ts'e nga jñò xi Acaya tsajòn, titsajnandaà-nò skanda jè nó xi tsato nga mejèn-nò sikasén nga'ñó. K'e nga kii'nchré jñà xità Macedonia koni s'ín titsa'nè, kjìn ma-ne xi

matsja-là it'aà tsajòn tikoáá kjòtsja-là nga mejèn-la sìchját'aà.

³ Koií xá tìsikásén-nò jñà 'ndseé koi, mé-ne 'an mì ch'o kótijna-nà tsà koi nàchrjein-là tsà ta 'én ndiso koma-ne koni s'ín ndaà síkítsajna-nò it'aà ts'e kjoa koi, mé-ne jñò tìtsajnandaà koni s'ín kixan.

⁴ Kós'ín koma-ne tsà koi nàchrjein-là kjiko i'nga-nà xitá Macedonia. K'e nga kijchò skoe-nò nga kj'eè kii tìtsajnandaà nga'ño xi síkasén. Tsà k'oas'ín koma kjoa koi, ngajen kosobá-najen, kò jñò, isaá 'ño kosobà-anò. Nga ngajen, it'aà tsajòn 'ño ndaà nìkítsajna-nòjen.

⁵ Koií kjoa-là k'oaá s'ín tìsikítsjeèn nga tsibìtsi'ba-là jñà 'ndseé nga kìsikásén ítjoàn, mé-ne nga kàtikon-nò koa kàtasíchját'aà-nò nga kàtíxkòko-nò ton kjotjò xi jye k'oas'ín kits'ioò ndsobaà, mé-ne k'e nga jye tìjnandaà kjotjò-nò jchà-là nga ijìin inìma-nò inchrobàjìin-ne; mìtsà kjo'ño komà-nò.

⁶ Tìkítsjeèn jè 'én xi tsò: Jè xi chiba tsojmì bítje, chibaá tsojmì majchá-là; jè xi tse tsojmì bítje, kjìn tsojmì majchá-là.

⁷ Nga jngoò ijngoò, k'oaá kji kàtatsjá koni kji kosòn-là inìma-là. Mìtsà kò kjoba-là nga tsjá, nì mìtsà kjo'ño koma-là, nga Nainá tsjakeè-né xi kò kjotsja-là tsjá.

⁸ Nainá koma-là tsjá yije-nò kjondaà xi tìjn-là, mé-ne nga kjit'aà nàchrjein s'e yije-nò xi mochjeén-nò, skanda kininguì-nò mé-ne koma sìchját'aà ts'e xá xi ndaà tìjn.

⁹ K'oaá s'ín tìchjà Xojon-là Nainá nga tsò:

Kisika'bì-là xitá imà nga kitsjaà-là mé xi

mochjeén-la.

Kjoakixi-la, mìkìl kjoehet'aà nìta kjé-ne.

¹⁰ Nainá tsjá tje-la tsojmì xi sitje, tìkoà tsjá tsojmì xi chineé. Tsjá yije-nò xi mochjeén-nò nga kitjee; tìkoáá síchá tsojmì xi bìtjee. Kjìn skoya kjondaà sakò-nò k'e nga kò kjoakixi-nò 'bioò kjotjò-nò.

¹¹ Jñò, s'e yije-nò ngats'iì kjoa nchiná xi tjín, mé-ne nga kò kjondaà-nò ma sìchját'aà-là xìta xi kj'eíí, nga sìkasén-là kjotjò xi ngajen onguíko-jen. K'e nga tjoé-la jñà xìta 'ndseeé, tsjá-la kjondaà Nainá.

¹² Jñà tsojmì kjotjò xi titsanikasén-là jñà xìta 'ndseeé, mìtsà ta koi kjoa-la nga kochját'aà-la mé xi chija-la, tìkoà koií-né nga ìsa kjìn koma xìta xi tsjá-la kjondaà Nainá.

¹³ Jñà xìta koi, k'e nga tjoé-la tsojmì kjotjò, jeya sìikíjna Nainá. K'oaá s'ín skoe-ne nga kixíí kjoa nga jñò nikitason-nò 'én ndaà-la Nainá xi kjoa ts'e Cristo koni s'ín mokjeíín-nò. Jñà xìta koi skoexkón Nainá it'aà ts'e tsojmì kjotjò xi 'biì-là kò xi 'biì-là jñà xìta xi kj'eíí.

¹⁴ Koó inìma-la kichjat'aà-la Nainá it'aà tsajòn, nga 'ñó tse kjondaà tìsakó-nò xi tsjá-nò Nainá.

¹⁵ jNdaà chjí-la Nainá nga 'ñó tse kjondaà tsjá-ná, skanda tsjìn-ná 'én kós'ín k'oi-lá kjondaà!

10

Kó tsò Pablo nga chjatjì xá-la nga chì'nda-la ma Cristo

¹ An xi Pablo 'mì-na, bìtsi'bà-nò it'aà ts'e Cristo xi tjín-la kjondaà, kò xi indaà tìjna inìma-la. Tjín xìta xi tsò-na nga ìma kjoa xó s'iaàn k'e nga ya tìjnajììn-nò, kò 'ñó xó ts'en s'iaàn k'e nga kjììn tìjnaa.

² Tíkòá bìtsi' bà-nò k'e nga kíkon-nò, jñò, ítjòn jchibàya-nò kjoá xi tjin-nò, mé-ne k'e nga kíjchoa, kí kii biné-nájen nga 'ñó kichjàkoáa jñà xita xi k'oas'ín nchitsò nga k'oáá s'ín titsa'nè-jen koni s'ín xi taxkí xita isò'nde. Tanga 'an, tijnà ndaà-ná nga kojtkoáa jñà xita xi chjajno-najen.

³ Kixii kjoá nga xita isò'nde 'mì-najen, tanga mì k'oas'ín bixkán-jen koni s'ín kjaán jñà xi taxkí xita isò'nde.

⁴ Kicha xi nìkjeén-jen, mìtsà kicha ts'e isò'nde. Nga'ñó ts'e Nainá-né xi ma-là síkixòña nga'ñó-là xita neii xi bíchjoà ikòn-là 'én-là Nainá.

⁵ Nìkixòña-nájen ngats'ii kjohítsjeèn xi ch'o tjin kò kjoá 'nga takòn xi kondra ts'e kjoachjine-là Nainá. Ndobà'ñó-nájen ngats'ii kjohítsjeèn mé-ne koma kítasòn-là Cristo koni s'ín mejèn-là.

⁶ Titsajnaandaà-nájen nga k'oi-lajen kjo'in xita nitá mé kjoá-ne xi mìkii ndaà bitasòn-là, k'e nga jye jcha-là nga jñò kixi nìkítasòn.

⁷ Jñò, tà k'oáá s'ín chitsejèn-là koni s'ín 'ya-là jñà xita. Tsà tjin i'nga xita xi tsò-là yijo-là nga jè Cristo kisikasén, ndaà kàtasíkítsjeèn, tikoá ngajen jè sobà Cristo kisikasén-najen.

⁸ Mìkii masobà-na nga ndaà síkijna yijo-nà it'aà ts'e kjotixoma xi kisingatsja-najen Cristo mé-ne koma sichját'aà-nò nga isa 'ñó kítajnaa; kò mìtsà koi-ne nga 'an sikits'ón-jìin-nò.

⁹ Majìn-nà nga k'oas'ín síkítsjeèn nga 'an mejèn-nà binchaxkón-nò k'e nga xojon tìsikasén-nò.

¹⁰ Tjin i'nga xita xi tsò: “Xojon-là, 'ñó jchán tjin, 'ñó tíchja, tanga k'e nga i tijnajìin-ná mìtsà 'ñó xkón

kji. 'Èn xi chja, mì yá xi ndaà beèxkón.”

11 Jñà xit̃a xi k'oà tsò, ndaà kàtasíkítsjeèn koni tsò xojon xi níkasén-jen k'e nga kjiin titsajna-jen. K'oàá t̃is'ín s'en-jen k'e nga ya titsajnajin-nòjen.

12 Kixíí kjoa, ngajen, majin-najen nga siingásòn-kjoòko-jen jñà xit̃a xi t̃i yijo-la ndaà síkítsajna-ne. Jñà xit̃a xi k'oas'ín s'ín, xit̃a tònɔ-né. Tsjin-la kjohítsjeèn nga t̃i chiba ts'eé síchiba-ne yijo-la. Tikoá t̃i xíkjin síchibakjoò-ne.

13 Ngajen, mìkìl s̃ikatonè-lajen chiba-la nga ndaà síkítsajna-jen yijo-najen. K'oàá kji koni kji tsjá chiba Nainá it'aà ts'e xá-najen. Jè Nainá kit-sjaà-najen xá xi ijchòko-nòjen skanda ján Corinto.

14 Ko tsà mì-là ngajen ijchò íjtòn-jen, kixíí kjoa kinikatonè-lajen chiba-la i'nde koni kji kitjò'nde-najen. Tanga ngajen-nájen xi ijchòko íjtòn-nòjen 'én ndaà-la Nainá xi kjoa ts'e Cristo.

15 Mìtsà jin ndaà níkítsajna-jen yijo-najen it'aà ts'e xá xi nchis'ín xit̃a xi k'ejí. Mìtsà titsanikatonè-lajen chiba-la koni kji xá xi oko-najen. Chiñàkjoa-nájen, koni s'ín isa 'ñó ndaà kokjeiin-nò, ko isáá kotseya xá xi titsa'nè-jen. Tanga ta k'oàá kji sixá-jen koni s'ín t̃jen chiba-la.

16 K'oàá s'ín kénójmíya-jen 'én ndaà-la Nainá jñà naxandá xi fi-isa ñánda kijna naxandá tsajòn. Tanga mì ya kitjás'en-jin-jen i'nde ñánda jye nchisíxá xit̃a xi k'ejí nga mì jin ndaà síkítsajna-jen yijo-najen xá xi nchis'ín xit̃a xi k'ejí.

17 Jè xi jeya síkíjna yijo-la, ta saá Nainá jeya kàtasíkíjna.

18 Mìtsà jè xi ndaà bitjongui xi t̃i yijo-la ndaà síkíjna-ne it'aà ts'e mé kjoa xi s'ín. Jè Nainá xi k'oà

kĩtso tsà kixi kjoa nga ndaà xĩa.

11

Pablo, jè xi ngui xĩa-la Cristo nga jè tsibíxáya-la

¹ T'een kjondaà, tĩná'ya jngoò tjò-ná; k'oaá s'ín tìchjàkò-nò koni jngoò xĩa xi mì ndaà tĩna kjohĩtsjeèn-la. Kàtas'e-nò kjoatsejta.

² Koni s'ín makájno-la Nainá, 'an, k'oaá tĩs'ín makájno-na it'aà tsajòn nga mì kj'eij xĩa konguít'aà-là. Ta jngoó x'ín tsibìndaàjiìn-kò-nò nga sìngatsja-nò, jè Cristo. 'An mejèn-na nga tsjeè sìngatsja-nò Cristo koni jngoò tsòti xongó.

³ Tanga tsakjoòn-ná tsà k'oas'ín komat'ioòn koni komat'in Eva nga kiskoònachan-la jè ye, tsà ya kĩts'ón-jiìn kjohĩtsjeèn-nò nga kìnchat'aàxìn-lá jè kjoatjòcha kixi xi tĩn-nò kò Cristo nga mì tĩ tĩjngoò-ne takòn nga onguít'aà-là.

⁴ Nga bìi'nde-là nga kj'eij xĩa bijchókon-nò xi kj'eij tsò 'én xi okóya-nò it'aà ts'e Jesús koni tsò 'én kixi xi jìn bènójmí-nòjen, kò mokjeiín-nò nga chjoétjò jngoò inima xi kj'eij xi mìtsà jè Inima Tsjeè-la Nainá xi jye kichjoétjò. Tĩkoa, mokjeiín-nò nga kj'eij tsò 'én ndaà-la Nainá xi kjoa ts'e Cristo xi bènójmí-nò koni tsò xi kòkjeiín-nò nga sa ítjòn. Nga ndaà sasén-nò nga jñà na'yà-là xĩa koi.

⁵ 'An, mìtsà isa nangui tĩna-la jñà xĩa xi 'mì-là jñò nga isaá 'nga tĩtsajna-la jñà xĩa xi tsibíxáya-la Cristo.

⁶ 'An, nas'ín mìkì ndaà ma-na chjà, nímé kjohĩtsjeèn chijat'aà-na xi it'aà ts'e 'én-la Nainá. Jñò, jyeé ndaà 'yaà, 'an, nĩa ñánda nga tĩnaa, k'oaá s'ín tsakoò-nò.

7 ¿A ch'óó kis'iaàn nga tsakoòya-nò 'én ndaà-là Nainá nga nímé kisíkíchjí-nò? Nangui tsohótijnako-nò skanda kisìhíma-ná yijo-na mé-ne jñò ìsa 'nga kisikítsajna-nò.

8 Jñà xítà naxandá-là Cristo xi xìn ì'nde-là kisìchját'aà-na nga tsachrjekàjno-là ton mé-ne komà kisìxáko-nò nga tsibenojmí-nò 'én ndaà-là Nainá xi kjoa ts'e Cristo.

9 K'e nga tsohótijnako-nò, niyá xi kisijti-là mé xi kichiját'aà-na. K'e nga mé tsojmì xi kjòchjeén-na, jñà xítà 'ndseé xi j'ì-ne nangui Macedonia kitsjaà-na. Nga majìn-na nga chjá koma-nò. Nachrjein xi fì-ìsa, tákó k'oaá s'iaàn.

10 Nguì koó kjoakixi-là Cristo koni tìxan-nò nga mì yá xi kotichjoà-na kóhokji nangui Acaya nga ndaà síkíjna yijo-na kjoa xi tìs'iaàn nga mì ton kisijé-nò.

11 ¿Mé-ne k'oa xan-na nga chjá? ¿A koi-né nga mìkì matsjake-nò? Tíbeè Nainá, 'an 'ñó matsjake-nò.

12 Tanga tákó k'oaá s'iaàn koni kisìko-nò nga sa ítjòn nga nímé kisijé-nò mé-ne nga mìkì tsjaà'nde-là nga kítso jñà xítà xi mejèn-là nga jeya síkítsajna yijo-là nga k'oaá tìs'ín nchis'ín koni ngajen.

13 Xítà koi, xítà ndiso-né. Mitsà kixi kjoa nga xítà xi jè Cristo tsibíxáya-là. Ta konachan-né nga síkijatjìya-là yijo-là koni tsà jè Cristo tsibíxáya-là.

14 Kjoa koi, mìtsà kjoa xitse; tijè-ne xítà nejí síkijatjìya-là yijo-là koni jngoò àkjale-là Nainá xi ote kji.

15 Mìtsà xkón tjín, xó k'oaá koma-ne nga jñà xítà

xi síxá-la jè xítà neíí, k'oaá s'ín síkjatjìya-la yijo-la koni tsà xítà xi bénojímí 'én kixi-la Nainá. Xítà koi k'e nga kjoehet'aà nàchrjein-la, k'oaá s'ín komat'in koni s'ín tjín kjoa ch'o xi nchis'ín.

Mé kjoa-ne nga jeya síkjna yijo-la Pablo

¹⁶ Ìjngoò k'a k'oa tìxan-nò, kì k'oaá s'ín nìkítsjeèn nga mìkìì ndaà tjín kjohítsjeèn-na. Tsà k'oa s'ín síkítsjeèn, tjiì'nde-ná nga 'an, k'oa tìs'ín ndaà síkíjna jtsé yijo-na koni s'ín xítà xi i'nga xi mì ndaà tjín kjohítsjeèn-la.

¹⁷ K'e nga kos'ín tìchjà, mìtsà k'oa s'ín chjà koni s'ín sasén-la Na'è-ná, k'oaá s'ín tìchjà koni jngoò xítà xi mì ndaà tjín kjohítsjeèn-la nga tì'an ndaà síkíjna-na yijo-na.

¹⁸ Koni s'ín kjín ma xítà xi tijnà ndaà síkítsajna-ne yijo-la it'aà ts'e kjoa xi s'ín, 'an k'oaá tìs'ín mejèn-na nga tì'an ndaà síkíjna-na yijo-na.

¹⁹ Jñò, bixón-nó nga xítà chjine-nò, tanga, ¿mé-ne bì'nde-là jñà xítà xi mì ndaà tsò kjohítsjeèn-la?

²⁰ Jñò, nìkjeiín-là xítà xi kjo'ño s'ín-nò nga chì'nda 'nè-là, xítà xi ma-la síkjehejno-nò tso-jmì xi tjín-nò, xítà xi jñò beètoòn-nò, xítà xi ochrjekàngui-nò, koa nìkjeiín-là xítà xi síjts'iin-'a jsén-nò.

²¹ Jñò, ¿kó s'ín nìkítsjeèn? ¿A masobà-na nga in-daakjoa kinìko-nòjen nga mì k'oaá s'ín kinìko-nòjen koni kisìko-nò jñà xítà xi i'nga?

Tsà tjín i'nga xi 'ño ts'en s'ín nga chjà, 'an tìkoja ts'een tìs'iaàn koni s'ín 'ño tìchjàko-nò. Tanga ta k'oaá s'ín tìchjà koni tsà mìkìì ndaà tjín kjohítsjeèn-na.

22 Jǎ̀nà x̄it̄a koi, tsà kix̄i kjoa nga x̄it̄a hebreo-né, 'an, t̄ikoaá x̄it̄a hebreo-ná. Tsà x̄it̄a Israel-né, 'an, t̄ikoaá x̄it̄a Israel-ná. Tsà tje-la Abraham-né, 'an, t̄ikoaá tje-la Abraham-ná.

23 ¿A ch̄i'nda-la Cristo-né? 'An, ìsaá ndaà síxá-la Cristo. (K'e nga k̄os'ín ch̄jà, k'oaá ngaya-la koni jngoò x̄it̄a xi mìkiì ndaà t̄jín kjo_hítsjeèn-la.) 'An ìsaá 'ñó síxá-la. Ìsaá k̄o k̄jìn k'a ótijnaya ndayá, ìsa k̄o k̄jìn k'a síki'on-na x̄it̄a, t̄ikoa k̄o k̄jìn k'a nga jye kjomeè sík'en-na x̄it̄a.

24 Jǎ̀nà x̄it̄a judío, 'òn k'a kitsjaà-na kjo'in nga tsakajá-na xox'ín xi s'e-la kohoyo xi kaàn chrj'oòn ñijòn t̄jín-ne nga jngoò òjngoò k'a.

25 Jàn k'a kits'iìn-na kjo'in nga tsajá-na xkajinchra jǎ̀nà x̄it̄a; jngoò k'a tsibínè-na ndajo x̄it̄a nga mejèn-la s̄ik'en-na; jàn k'a kiskaàjìin-ndáko-na chitso ya j̄jìin ndáchikon; jngoò nachrjein k̄o jngoò nitjen tsohótijnajñaà j̄jìin ndáchikon.

26 N̄it̄a ñánda nga ojmeè, ta kjo_xkón t̄jín kjit'aà-la. T̄jín kjo_xkón ya xajngá nandá ñánda nga otoa. T̄jín kjo_xkón ts'e x̄it̄a chijé. T̄jín kjo_xkón it'aà ts'e x̄it̄a xinguiáa judío koa t̄jín it'aà ts'e x̄it̄a xi mìtsà x̄it̄a judío. T̄jín kjo_xkón ya j̄jìin naxandá, koa ya i'nde it'aà xìn ñánda tsjìn x̄it̄a. T̄jín kjo_xkón ya j̄jìin ndáchikon, koa ya j̄jìin-la x̄it̄a xi tsò nga x̄it̄a-la Cristo ma tanga mìtsà kix̄i kjoa.

27 K̄jìn jchán xá kisinè-na xi 'ñó t̄jín, sà k'oaá skanda mìkiì ójnafè. Kisikjiaán kjinchrá. Sà k'oaá tsjìn-na nandá xi ma 'yò, sà k'oaá skanda mìkiì tsoókjeen, kisikjiaán 'nchán nga tsjìn-na nikje xi ójnakjá.

28 Mìtsà tà jǎ̀nà kjoa koi xi komàt'ian. T̄jín ìsa xi

kj'eíí xi ìsà 'ńó t́jín. Nàchrjein nchijòn makájno-na kjoa xi tímat'in kóhótjín naxandá-la Cristo xi 'an sikinda.

²⁹ Tsà yá 'ndseé xi ma indaàjìin, t́ikoáá 'an, ma indaàjìin-ná. Tsà yá xi mejèn-la ótsji jé-la jngoò xítà xi kj'eíí, 'an ma jtike-ná.

³⁰ Tsà mochjeén nga t́i yijo-na ndaà síkíjna-na, jè ndaà síkíjna yijo-na it'aà ts'e kjoa xi mahindaajñaà.

³¹ Jè Nainá xi Nà'èn-la Jesucristo xi otíxoma-ná, jeya kàtìjna nítà kjé-ne, t́beè-ne nga 'én kixíí xi tìchjà.

³² K'e nga tsohótìjna ján naxandá Damasco, jè xítà xi gobernador tíjna nga jè kitsjaà-la xá jè xítaxá ítjòn xi 'mì Aretas, kitsjaà-la okixi nga kisìkinda xotjoa-la naxandá nga mejèn-la tsobà'ńó-na.

³³ Tanga jña xítà kisìchját'aà-na nga kisìkíjnaya-na nìsìyá, ikjoàn ya tsachrje-na ñánda tìx'á chrjó ndajo xi t́jìndi-la naxandá nga kiskinìjen-t'aà-na skanda it'aà nangui. K'oaá s'ín komà-ne nga mìkìi komà kitsobà'ńó-na.

12

Pablo, kits'ù jngoò-la nijná xi kixi kjoa

¹ Nímé xi sikijne nga ndaà síkíjna yijo-na. Tanga mochjeén-né nga k'oa xán-nò kjoa xi tsakó-na Nainá k'e nga tsohókò-na, jè kjoa xi Nainá kisìkichiya-na.

² Beèxkon-ná jngoò xítà xi fit'aà-la Cristo. Tjín-la te ñijòn nó nga kíkò Cristo skanda jè ngajmìi xi ma-ne jàn [ñánda tíjna Nainá]. Mìkìi be tsà k'oaá s'ín kíkò nga yijo, a xi tà inìmaá kíkò. Jè Nainá tíjìin-la.

³ Tanga be-ná nga jè x̄it̄a jè, kiì. A yijo-né, o a tà in̄imaá kiì, tà jngoò Nainá tíbeè.

⁴ Kiì skanda ján i'nde ñánda ndaà jchán choòn ján ngajmiì ñánda tíjna Nainá. Kiì'nchré 'én xi 'ñó xkón tjín, xi nijngoò x̄it̄a koma s'enojmí-l̄a.

⁵ Koni komàt'in x̄it̄a jè, jè-né xi ok'in-l̄a nga ndaà kíjna. Tanga it'aà ts'an mikii ok'in-na nga 'an ndaà síkíjna yijo-na. Tajngoò tsà jñà kjoa xi mahindaàjñàà ndaà síkíjna.

⁶ Tsà ndaà síkíjna yijo-na [koni tjín kjoa xi 'an kijtseè ngajmiì], mìtsà 'én ská benojmiá, 'én kixíí chjà. Tanga majìn-na nga ndaà síkíjna yijo-na it'aà ts'e kjoa xi kijtseè mé-ne nga nijngoò x̄it̄a ìsa 'nga síkíjna-na ta ngatjì-l̄a kjoa koi. Kos'in kàtasíkínda-na kó s'iaàn, kó s'in chjà, kò kó s'in tìsìjchá yijo-na.

⁷ Mé-ne nga mì 'an ndaà kótijna-na it'aà ts'e kjoa xi 'an tsakó-na Nainá xi jeya jchán tjín, kiskaàt'aà jngoò-na ch'in, k'oaá ngaya-l̄a koni tsà na'yá nchajìin yijo-na. Jè x̄it̄a nejí kijtseètoòn-na nga kisìkasén-na kjo'in.

⁸ Kò jàn k'a bítsi'ba-l̄a N̄a'èn-ná nga kàtjaàxìn-na kjo'in jè.

⁹ Tanga jè Nainá t̄a k'oaá tsò-na: “Jè kjondaà-na yaá tíjnakò-lè. Yaá okoaà yije nga'ñó-n̄a k'e nga tsjìn-lè nga'ñó.” K'oaá ma-ne jè kjoa xi mahindaàjñàà, jè xi ndaà síkíjna-na yijo-na, mé-ne nga jè nga'ñó-l̄a Cristo kíjnakò-na.

¹⁰ Koií kjoa-l̄a matsja-na k'e nga ma indaàjñàà. Tìkooá matsja-na k'e nga chjà'on-kò-na x̄it̄a, k'e nga mé tsojmì xi chija-na, k'e nga fitjingui kondra-na x̄it̄a, k'e nga mé kjoa xi 'ín ma-na síkjaán

it'aà ts'e Cristo. K'e nga ma indaàjñàà, k'eé ìsà ndaà s'e-la nga'ño inima-na [nga jè Cristo tsjá-na].

¹¹ 'An, k'oaá s'ín kichjà, koni s'ín chja xita 'én xi nimé chjí-la. Tanga jñò ki'nè-ná kjo'ño. Jñò xi tjinè-nò nga ndaà sikkijna-ná. Nga 'an mìtsà ìsà nangui tijnà-la jñà xita xi 'mì-là jñò nga ìsà 'nga títajna-la jñà xita xi tsibíxáya-la Cristo; nas'ín 'an nimé chjí-na.

¹² K'e nga tsohótijnako-nò kis'e-na kjoatsejta nga tsakoè-nò kjoaxkón xi okó chiba ko xi okó kjoa jeya-la Nainá ko nga'ño-la. Kjoa koi okó nga kixi kjoa nga 'an-ná xi tsibíxáya-na Cristo.

¹³ ¿Jñò, mé xi ìsà nangui kisikítsajna-nò koni jñà naxandá-la Cristo xi kj'eí? ¿A koií majti-nò nga mì jñò kisijti-nò k'e nga mé tsojmì xi kichjàt'aà-na? Tijchàat'aà-ná nga nimé kisijé-nò.

Kó kitsò Pablo nga ijngòè k'a tífikon jñà xita Corinto

¹⁴ Jyee tijnandaà xi ma-ne jàn k'a nga kjikon-nò. Táko k'oas'ín s'iaàn, mìtsà mé xi sijé-nò. Mìtsà koi otsjià mé tsojmì xi tjin-nò; kjondaà tsajòn xi otsjià. Nga jñà xita jchínga tjinè-la nga koijtjò ton xi kochjeén-la ixti, mìtsà jñà ixti tjinè-la nga koijtjò ton xi kochjeén-la xita jchínga.

¹⁵ Matsjaá-na nga sikjèya yije mé xi tjin-na, skanda tìsikjè yijo-na kjoa ts'e inima-nò. Nga ìsà ndaà matsjake-nò, jñò, ¿a ìsáá chiba matsjacha-ná?

¹⁶ Kixi kjoa, 'an, nimé tsojmì xi kisijé-nò. Tanga tjin i'nga xita xi tsò: “Ñó maña nga konachan-la xita.”

¹⁷ Tanga, ¿mé xi kiskoðanachan-nò k'e nga kisikasén i'nga-nò xita?

18 Tsibítisi'ba-la Tito nga kiikon-nò kò jè 'ndse xi ìjngò. Jè Tito, ¿a kiskoòna_{chaán}-nò? ¿A mìtsà ngàsòn tìkoi-ne kjohítsjeèn tjaàjìn-jèn, tìkoa tìkoi-ne ndiyá kixi tjaàya-jèn?

19 ¿A k'oaá s'ín nìkítsjeèn nga yijo-najèn tìtsanokjoàtji-jèn? Majìn, tíbeè Nainá koi 'én xi tìtsanokjoà-jèn nga Cristo tìtsajnakò-jèn. Jñò ndí 'ndse xi 'ñó matsjake-nò, ngats'ìi kjoa koi, kjondaà tsajòn-nò nga ìsa tse nga'ñó kàtas'e-nò.

20 Makájno-na tsà k'e nga kìjchokon-nò tsà mì k'oaá s'ín tìtsa'nè koni s'ín mejèn-na. Koa 'an tsà mì k'oa s'ín tìs'iaàn koni s'ín mejèn-nò jñò. Koií makájno-na tsà koií nàchrjein-la tìtsabìxkàn-kjoò, tsà kjoaxìtakòn tjìn-nò, tsà kjoajti tìjìn inìma-nò, tsà jò tsà jàn ya tìtsajna-là xinguiò, tsà 'én ndiso tìtsabìnè-là xinguiò, tsà xinguiò tìtsanokjoájno-lá, tsà 'nga takòn tìtsa'nè kò tsà mìkì ndaà tìtsajnakò xinguiò nga jngò ìjngò.

21 Tìkooá makájnoó-na k'e nga kìjchokon ìjngò k'a-nò tsà Nainá sùsobà-na nga nguixkoòn jñò. Tsà Nainá sùkjindáya-na xi kjoa tsajòn nga kìn ma-nò xi jye kjòtseé binchaàtsjioè jé nga mìkì nìkájno jé-nò kjoa tjé xi 'nè kò kjoa chijngui xi 'nè kò ngats'ìi kjoa ch'o xi 'nè.

13

'Én-la Pablo xi fehet'aà-ne.

1 Jè xi ma-ne jàn k'a nga kìjkon-nò. K'oaá s'ín tíchja Xojòn-la Nainá nga tsò: “K'e nga tsà jngò xìta mejèn-la kìindaàjìn jngò kjoa, jò kò tsà jàn xìta kochjeén xi koma tsjá 'én nga xkòn kijtseè-ne

kjoa xi komà mé-ne nga jcha-la, a kixií kjoa, o xi majin-né.”

² K'oaá s'ín jye kixan kixi-nò k'e nga ijchòkon-nò xi ma-ne jò k'a, ko i'ndeji nas'ín kjiin tijnnaa, k'oaá ti xan i'ngòò k'a-nò nga jña xi jé tsohòtsji nga sa ítjòn ko xi nchihòtsji jé skanda i'ndeji, mìkiì kojno-la nga tsjaà-la kjo'íin nga jngòò i'ngòò.

³ An, k'oaá s'iaàn mé-nè nga jcha-nò, a kixií kjoa nga 'an síkjeén-na Cristo nga chjàjiin-nò 'én-la. Mìtsà indaàkjoa Cristo; tjin-la nga'ño k'e nga síxájiin inima-nò.

⁴ Kixií kjoa jè Cristo, k'oaá s'ín k'en-t'aà krò koni jngòò xita xi tsjin-la nga'ño. Tanga i'ndeji, nga'ño ts'e Nainá tijnakon-ne. Ngajen, k'oaá tis'ín indaàkjoa titsajna-jen koni s'ín komàt'in Cristo, tanga nga'ño ts'e Nainá kitsajnakon-najen koni Cristo mé-ne nga koma síxá-nòjen.

⁵ Jñò, chít'aà inima-nò, tsà kixií kjoa nga ndaà mokjeiín-nò it'aà ts'e Nainá. Ndaà chít'aà inima-nò xi tijnò-nò. ¿A mìtsà tjiin-nò nga Cristo tijnajiin inima-nò? Ta jngòò-la tsà mìkiì tsatojioòn koni s'ín kichit'aà-nò.

⁶ Tanga 'an, majngòò takoàn nga jchaá it'aà tsajen, ngajen tsatojiin yije-najen koni s'ín kichit'aà-najen.

⁷ Koií kjoa-la bítsi'ba-lajen Nainá nga nimé jé kinchásjioò. Tanga mìtsà koi-ne nga jcha-najen nga ndaà bitjo-jen k'e nga chít'aà-najen. Jè-né nga sikitasòn jñò kjoa xi ndaà tjin, nas'ín k'oas'ín kàta'ya-la it'aà tsajen koni tsà mìkiì chíkjoa-najen kjoa xi otojiin-jen.

⁸ Mìkiì koma kondra kitsajna-lajen xita xi síkitasòn kjoakixi-la Nainá. Ta saá k'oi-lajen

nga'ñó.

⁹ Matsja-najen k'e nga jñò tjín-nò nga'ñó, nas'ín ngajen ma indaàjìin-jen. K'oaá ma-ne nga bìtsi'bà-lajen Nainá, mé-ne jñò ñimé kjohítsjeèn chijat'aà-nò.

¹⁰ Tìkjiì-nò xojon jè k'e nga tákó kjìin tìjnaa-ìsa, mé-ne k'e nga kìjchokon-nò mì tì k'oaá s'ín 'ñó kichjàkò-nò koni s'ín tjín kjotíxoma xi kitsjaà-na Nainá. Nga Nainá mìtsà koi xá kitsjaà-na kjotíxoma nga 'an síkìts'ón-jìin-nò, jè-né nga ìsa kixi kìtsajnakoo 'én xi mokjeíin-nò.

Kó kitsò Pablo nga síhixat'aà xita Corinto

¹¹ Ndí 'ndsè kò tichjaá, jè xi fehet'aà-ne, tsja t'è-là inìma-nò; kixi tìtsajna; tìjetakòn xinguiò; tà jngoò kjohítsjeèn kàtas'e-nò, 'nchán tìtsajnakoo xinguiò. Nainá xi tjín-là kjoa 'nchán kò xi tjín-là kjoatjòcha kàtìjnakò-nò.

¹² Nga nguì koo inìma-nò tìixat'aà xinguiò nga jngoò ìjngoò.

¹³ Ngats'ìi xita-là Nainá xi ì tìtsajnakò-na síhixat'aà-nò.

¹⁴ Jè kjondaà-là Jesucristo xi otíxoma-ná, kò kjoatjòcha-là Nainá, kò Inìma Tsjeè-là Nainá kàtìjnakò-nò ngats'ioò. K'oaá s'ín kàtama.

Mazatec, San Jerónimo Tecóatl
New Testament in Mazatec, San Jerónimo Tecóatl
Mazateco de S Jeronimo Tecoatl; maa
(MX:maa:Mazatec, San Jerónimo Tecóatl)

copyright © 2012 Wycliffe Bible Translators, Inc.

Language: Mazatec, San Jerónimo Tecóatl

Translation by: Wycliffe Bible Translators, Inc.

Contributor: Bible League International

Mazateco, San Jerónimo Tecóatl [maa], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, San Jerónimo Tecóatl

© 2012 Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2025-05-10

PDF generated using Haiola and XeLaTeX on 10 May 2025 from source files dated 10 May 2025

9f778253-d34e-5037-af35-7bca16479aa0